

AUGLÝSING

um staðfestingu á breytingu á aðalskipulagi Grundarfjarðar, Eyrarsveit (iðnaðar- og athafnasvæði).

Samkvæmt skipulags- og byggingarlögum nr. 73/1997, hefur ráðherra þann 16. júlí 1999 staðfest breytingu á aðalskipulagi Grundarfjarðar 1984-2004, Eyrarsveit.

Um er að ræða breytta landnotkun á svæði vestan Kvernár og ofan Snæfellsvegar. Niður fellur stór hluti svæðis til íbúðarbyggðar eftir skipulagstímabil auk sparkvallar og leikvallar. Fjórir hektarar af svæðinu verða iðnaðar- og athafnasvæði en hinn hlutinn óbyggt svæði. Einnig fellur niður fyrirhuguð framtíðarveg tenging inn í bæinn.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki sveitarstjórnar Eyrarsveitar. Skipulagsstofnun hefur afgreitt erindið til staðfestingar.

Umhverfisstofnun, 16. júlí 1999.

Siv Friðleifsdóttir.

Ingimar Sigurðsson.

Nr. 502

21. júlí 1999

GJALDSKRÁ

fyrir þjónustu Ríkiskaupa.

(verð án virðisaukaskatts)

1. gr.

Útboðsþjónusta.

Lágmarksgjald fyrir útboð	kr. 80.000
Innifalið: Minniháttar útboðslýsing og tilboðsblað (verklýsing aðsend)	
Gerð auglýsingar vegna samauglýsingar	
Sala og kynning útboðsgagna	
Meðhöndlun fyrirspurna (minniháttar)	
Móttaka tilboða	
Opnun tilboða	
Mat tilboða	
Frágangur pöntunar og/eða samnings	
Gjald fyrir stærri verkefni er innheimt samkvæmt tímaskráningu starfsmanna miðað við eftirfarandi tímagjald:	
Útboðsfulltrúi	kr./klst. 2.500
Verkefnastjóri	3.800
Deildarstjóri	4.500
	kr.
Gjald fyrir gerð fyrirspurnar (í útboðsformi).....	30.000
Gjald fyrir gerð verðkönnunar (án útboðs)	15.000
Auglýsingakostnaður vegna sérauglýsinga er ekki innifalinn í grunngjaldi og greiðist hann sérstaklega samkvæmt reikningi.	

2. gr.
Innflutningur.

Kostnaðarverð sendingar	Þjónustugjald
0 — 500.000	7%
500.001 — 900.000	6%
900.001 — 3.000.000	4%
3.000.001 — 6.000.000	3%
6.000.001 — 11.000.000	2%
11.000.001 — 99.999.999	1,5%

Annist Ríkiskaup innflutning er útboðsþjónusta skv. 1. gr. innifalin.

3. gr.
Innlend vörukaup almenn.

Þjónustugjald (bætist við kostnaðarverð vöru)	3%	Lágmark kr. 500
--	----	-----------------

Annist Ríkiskaup innlend vörukaup er útboðsþjónusta skv. 1. gr. innifalin.

4. gr.
Sala fasteigna.

Þjónustugjald	Hámark 1,7%	Lágmark kr. 65.000
Innifalið:		
Auglýsing (samauglýsing)		
Varsla og umsjón fasteigna		
Núvirðing tilboða		
Skjalagerð		

5. gr.
Kaup fasteigna.

Þjónustugjald	1%	Lágmark kr. 65.000
Innifalið: Sama og í 4. gr.		

6. gr.
Kaup bifreiða.

Þjónustugjald	2%
Innifalið: Sama og í 4. gr.	

7. gr.
Sala bifreiða.

Þjónustugjald	2,5%	Lágmark kr. 18.000
Innifalið: Sama og í 4. gr.		

8. gr.
Sala véla og tækja.

Þjónustugjald	3%	Lágmark kr. 5.000
Innifalið: Sama og í 4. gr.		

9. gr.
Sala notaðra muna.

Þjónustugjald	20%	Lágmark kr. 1.000
Innifalið: Sama og í 4. gr.		

10. gr.

Lögfræðilegar álitserðir.

Tímagjald lögfræðings

4.000 kr./klst.

11. gr.

Gildistaka.

Gjaldskrá þessi er sett samkvæmt 7. gr. laga nr. 52/1987 um opinber innkaup og öðlast þegar gildi. Jafnframt er úr gildi felld eldri gjaldskrá sama efnis nr. 80 25. janúar 1999.

Fjármálaráðuneytinu, 21. júlí 1999.

F. h. r.

Árni Kolbeinsson.

*Guðmundur Ólason.***SAMÞYKKT**

**um breytingu á lögreglusamþykkt fyrir Seyðisfjarðarkaupstað
nr. 166 17. maí 1974.**

1. gr.

42. gr. orðist svo:

Enginn má skemma, troða né spilla á annan hátt ræktuðum blettum, túnum, mat-jurtagörðum eða skruðgörðum manna, hvort sem er girt eða ógirt. Ekki má heldur skemma plöntur né á nokkurn hátt spilla grasreitum eða saurga þá á nokkurn hátt. Flöskur má aldrei brjóta á víðavangi. Bannað er að eyða eða spilla gróðri með lyng- eða hrísrifi eða á annan hátt. Girðingum má ekki spilla né skilja eftir opin hlið, sem lokað verður. Enginn má hleypa af skotvopni í eða nálægt byggð í kaupstaðnum.

2. gr.

43. gr. orðist svo:

Bannað er að tjalda í landi Seyðisfjarðarkaupstaðar, nema á þar til merktum svæðum. Bannað er að leggja húsbílum til dvalar í landi Seyðisfjarðarkaupstaðar, nema á þar til merktum svæðum.

3. gr.

Samþykkt þessi öðlast þegar gildi.

Samþykkt þessi, sem bæjarstjórn Seyðisfjarðar hefur samið og samþykkt samkvæmt lögum um lögreglusamþykktir nr. 36/1988, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytinu, 20. júlí 1999.

F. h. r.

Björn Friðfinnsson.

Stefán Eiríksson.